

口北三廳志

20130.251

134

30232



序

三廳古無志也三廳古未始有廳也  
蓋長城為古邊腹之限起臨洮訖遼  
海萬有餘里而在宣境者千餘里居  
天下之脊長遮絕域以繞京師自古  
在昔有藩垣之喻有門戶之喻有人  
身項背之喻顧古出居庸則為邊而  
由宣北出來遠堡諸口則為大邊內  
邊今宣郡古幽并上谷地外邊今三  
廳古幽并荒服上谷代郡州縣錯壤  
宋元開平興和大寧在馬邊有內外  
也長城亦有內外城之限於外者宣  
以西接大同之陽河亘野狐獨石東  
訖永寧是為外防城之限於內者西

連寧鴈巨飛狐倒馬紫荆白羊東訖  
居庸是為內防深塹危垣崇厓絕壑  
聯堞百萬未嘗有尋丈之間外垣與  
內垣同秦漢以來隨其國勢代有營  
繕外塞不能守而守之外垣者有之  
內塞亦不能守而守之內垣者有之  
夫既不能有其土地即不能有其人  
民有其政事而紀載又無論已

二

本朝受命奄有北國張家口獨石口及  
開平之多倫諾爾設理事廳三以聽  
蒙古民人交涉之事張家獨石二口  
壩內治其土田職其糧賦多倫諾爾  
商賈薈萃之所平市價權物稅咸置  
兵設郵立倉庫固監獄體制漸與內

郡同可潤來尹宣邑適郡志燬於火  
日續刊之三廳毗於宣其事通

宮保制府桐城方公發前口北道錢  
唐金副使所創三廳志畀增校而梓  
以傳焉粵籍禹貢之紀九州也厥土  
之佳惟黑墳厥草木之佳惟夭惟喬  
惟繇惟條厥貢惟羽毛齒革熊羆狐

三

狸織皮今三廳雖禹跡不及而土質  
肥美色黑而脉墳開平東北木石之  
峽良幹巨材輳於宣郡浮於灤河以  
達於三輔艸繁而祁黝而澤伏獸沒  
輪駝馬牛羊之牧其地者瘠可使肥  
疴可使愈瘠可使夷革可使穉天開  
上廩以及王公大人之所畜夏放秋

歸陵阿泉池或降或飲無不乳阜孔  
碩馬而各部所產牝牡之羣歲以千  
萬計齊魯楚豫吳越閩廣之備馳驅  
壯軍旅者舍三廳之野無以求其良  
羔羊狐狸之皮取為裘裳博碩肥脂  
之牲可以薦羞復有鷹隼雕鶻魚鹽  
以及石青草藍楮梨芝困之英隨地

四

而出應候而生蓋其地極寒：則氣  
凝氣凝則不穀其地極墮：則氣達  
氣達則物無疵癘嗚呼此三廳之所  
隸不獨有裨于宣郡有裨于京師實  
有裨于十五國之民生國計而不可  
以荒徼視之聽其無徵者也其於人  
也亦然古之遊宦斯地者名臣學士

銘功畫策撫事感時往，見於遺篇  
而豪傑不擇地而生窮羸寒帶之倫  
材武雄畧史不勝紀俗雖悍而難馴  
今

國家仁育義正法制綱維四十九部畏  
威懷德殺人傷人鼠竊雀角之獄一  
卒呼之立至下於吏無不俯首唯命

五

其尊君親上之風懷仁慕義之誠採  
其大端皆可登風俗之書夫載筆之  
道史不能詳則輔之以志，不能詳  
則證之以史北部興滅遞嬗干戈相  
尋既無有司之執簡唯按以柱下之  
所藏而考據于北史及遼金元之史  
為多建置異而疆土不殊部落分而

裔類則一著其代以燭其事由北代  
之錄証以南朝之紀至近世州邑關  
鎮之旁載名山石室之留貽可志者  
漸備蒐而傳之今之志後之史所資  
也且由後視前以今之周行四達視  
昔之乘塞守陣以今之載芟載柞視  
昔之衽革荷戈以今之列市置司視  
昔之設場互市以今之文告風聲傾  
心逖聽視昔之征喏離賦牢騷不平  
一二文學之士載筆從容乃能勒成  
書於黃沙白草之中蓋天下之文明  
久矣論世者謂外塞之重輕視乎建  
都之遠近漢唐都關中故臨洮以外  
之塞為重

朝都燕京故宣大以外之塞為重今  
即是志細繹之乘天之時曰地之利  
制物之宜穹廬數千里引弓十萬輩  
來享來王昔以之為守者今皆為我  
守無所謂塞也無所謂邊也即無所  
謂內外輕重也嗚呼此無形之長城  
也

七


乾隆二十有三年歲次戊寅

賜進士出身宣化縣令閩漳黃可潤

謹撰








口北三廳志 卷之一 圖

二



南





口北三廳志

目錄

卷首

序圖目錄制敕

卷一

地輿疆域附

卷二

山川

卷三

古蹟

口北三廳志

卷首目錄

卷四

職官封建附 官署倉庫營房附 壇廟寺觀附

卷五

經費官俸役食附 地糧 村窯戶口 風俗物產

卷六

臺站 考牧

卷七

蕃衛

卷八

人物 列女

卷九

世紀上

卷十

世紀中

卷十一

世紀下

卷十二

藝文一

冊文疏  
奏劄書

卷十三

藝文二

議論說序記傳  
碑誌銘銘頌賦

北三廳志

卷首  
目錄

卷十四

藝文三

詩

卷十五

藝文四

詩

卷十六

雜誌

臣費揚古明珠等賚茶布銀兩採買牲畜賑其乏絕但採買尙須時日今若不速發糧以拯之則死者愈多矣折卜尊丹巴庫圖克圖現有貿易駱駝百餘在張家口費揚古明珠等同往大臣官員所有駱駝亦令其量捐並內駟廠及太僕寺駱駝共發一百將張家口倉米星速運到散給計支一兩月間而費揚古明珠等所買牲畜已繼之矣如此則喀爾喀可活也其令侍衛吳大禪侍讀學士西拉牧廠侍衛太僕寺堂官戶部賢能司官各一員經理其事明日卽馳驛速往康熙二十八年四月

口北三廳志

卷之首

制敕

三

諭內大臣佟國維等

京城大軍絡繹出邊阿霸垓阿霸哈納爾蘇尼特蒿齊忒等兵無所調用令不必赴尙書阿爾尼軍前著於各旗形勝之地駐扎嚴防喀爾喀新來之衆妄行並供應往來差遣人員驛站糗糧毋悞康熙二十九年七月初七日

諭大學士伊桑阿等

噶爾丹雖立盟而去其人狡詐不可深信著於陝西各營步兵內選素習征戰人材壯健善於步行能用大刀連節棍者二千人戍守大同宣府以備明春有事時調

遣再需善用藤牌大刀福建人數百駐於石碇之軍應設總兵官卽令與該部會同選擇此駐防之兵張家口亦選步兵一千名駐扎卽令宣府總兵官統之此兩處新設兵糧應較步兵錢糧增給議政王貝勒大臣其集議之康熙二十九年十月初六日

諭內大臣蘇爾達等

噶爾丹來至克魯倫又劫掠喀爾喀今或乘雪前來爲寇亦未可知所發備兵宜前往張家口獨石口等地方備之着議政大臣領侍衛內大臣八旗滿洲蒙古漢軍都統集議康熙三十年正月

口北三廳志

卷之首

制敕

四

諭都統瓦岱等

茲以厄魯特噶爾丹去歲雖經大敗立誓陳請但伊性生奸狡或乘我不備突來搶掠近邊歸順喀爾喀等亦未可定故遣發大兵特命爾都統瓦岱爲定北將軍前往張家口駐劄防備凡事爾同都統喀代王永譽護軍統領洪海副都統方格科爾代喻維邦商酌而行駐劄張家口將兵丁馬匹飼養肥壯務須整搦器械嚴肅官兵不得騷擾民間其一應錢糧聽有司各官應付地方事情不得干預至於官兵俱有部領紀律如有違犯爾等會同商酌照依定例處分不得姑息以致紀律懈弛

若有出口應行機宜另頒諭旨爾等其慎之故諭康熙三十年二月初一日  
諭大學士伊桑阿等

著於四十九旗蒙古每佐領挑選三四名令本佐領中每人各給馬三匹及甲冑弓矢全副每月人給銀一兩又喀爾喀兵亦選二千名俱照此例爲之遣我內地章京操練聯屯於正藍旗察哈爾界上以至哈爾哈河倘有舉動該王貝勒貝子公台吉有願効力者卽率此軍而行則於事大有裨益俟噶爾丹事畢之時令是軍各歸本旗當於今冬定議至來春草青時行之爾等其會

口北三廳志

卷之首 制敕

五

同議政大臣議康熙三十四年九月

諭大學士伊桑阿等

朕思察哈爾左右二翼每翼可各得銳卒八百人左翼定爲中路每兵令自攜馬三匹至宣化府交養馬大臣協同喂飼右翼定爲西路每兵亦自攜馬三匹至大同府與地方官協同喂飼務令肥澤隨大軍進發不致有悞可着上駟院侍衛馬什赴左翼鑲藍旗蒙古護軍叅領羅未赴右翼將所有兵馬各按數選集速令赴宣大二府其兵衆內或馬數不足三匹者卽以官員馬匹充數驅養又聞大同草豆殊少其卽於附近州縣足供芻